

善不如有人於一食頃正思此法過前功德不可為喻復次若人受持此論觀察修行若一日一夜所有功德无量無邊不可得說假令十方一切諸佛各於無量无边阿僧祇劫歎其功德亦不能盡何以故謂法性功德无有盡故此人功德亦復如是無有邊際其有衆生於此論中毀謗不信所獲罪報經无量劫受大苦惱是故衆生但應仰信不應誹謗以深自害亦害他人斷絕一切三寶之種以一切如來皆依此法得涅槃故一切菩薩因之修行入佛智故當知過去菩薩已依此法得成淨信現在菩薩今依此法得成淨信未來菩薩當依此法得成淨信是故衆生應勤修學諸佛甚深廣大義 我今隨分持說迴此功德如法性 普利一切衆生界

大乘起信論一卷

癸卯歲高麗國大藏都監奉

勅雕造

真諦譯起信論

第三十四卷

入大乘論卷上

下七開華
一品名目

則

堅意等謹造

北京三藏法師道泰等譯

今欲解入大乘義問曰何故說入大乘義答曰我為衆生欲遠苦因故汝今當知或復有人近惡知識為惡所誤偏執已法專者邪見顛倒愚惟不解實義不順佛智詐誹聖說誹謗聖說者則壞正法壞正法者得大罪報如世尊說誹謗法之罪重於五逆惡道長遠久受苦報如偈說曰

誹謗大乘法決定趣惡道此人受業報實智之所說生道地獄中大火熾然身焚燒甚苦痛業報罪信介熾然大鐵犁具滿五百數而耕其上遍碎身苦惱若從地獄出復受餘惡報諸根常缺漏永不聞法者設使得聞者復生於謗法以謗法因緣還墮於地獄謗法衆生聞如是說於大乘中便生疑心如尊者提婆所說偈
薄福之人 不生於疑 能生疑者 必破諸有

若有疑者皆應聽法聞已意解便得開悟得開悟已即生信心生信心已便生喜樂生喜樂已如是次第生聞思修乃至具足得一切種智因謗大乘而墮惡道亦由大乘起諸善業如人因地故倒還依地而起又因於智趣善提道亦與衆生共和合有若離衆生則无有得菩提道者從衆生界出生一切諸佛菩提如尊者龍樹所說偈

不從虛空有 亦非地種生 但從煩惱中而證成菩提

問曰汝說善入摩訶衍論如是功德云何名為摩訶衍耶答曰菩薩藏處名摩訶衍問曰佛不說三乘亦摩訶衍乎答曰如是此大乘中亦說三乘即名三藏如菩薩藏經中說佛告阿闍世王族姓子藏有三種何等為三謂聲聞藏辟支佛藏菩薩藏族姓子非以聲聞乘故名為三藏亦非以辟支佛乘故名為三藏唯諸菩薩所學大乘得名三藏何以故夫說法者具足三乘乃名三藏以菩薩說法能具

三乘故是故我說名三藏耶族姓子有三種學人聲聞學辟支佛學菩薩學聲聞乘者不學辟支佛乘何以故非所解故辟支佛乘者不學菩薩乘何以故亦非所解故族姓子唯諸菩薩雖學聲聞辟支佛乘而不證於聲聞辟支佛道學菩薩乘深知菩薩所行之法常樂隨順以是義故菩薩乘者名為三藏非謂聲聞辟支佛乘於餘經中以具分別是故我今但略說耳如汝意謂非三藏者汝今但以增一阿含中阿含長阿含雜阿含百千等偈以為一藏毗丘阿毗曇二千偈名為二藏盡具修習名為三藏若如是說不名三藏所以者何諸餘經等則非佛說有如是過阿含毗丘阿毗曇等亦是三藏雜藏含頭羅經胎經諫王本生辟支佛因緣如是八万四千法藏尊者阿難從佛受持者如是一切皆有非佛語過若元過者當知一切盡是佛說如是所說若皆是藏此則便有百千等藏汝言三藏是語自壞復有阿難所不受者佛說

大乘論卷上

第三張

道二十年後方於僧中自言我年老大須供給人若能為我作給侍者當自言能介時大眾和合即差阿難為佛侍者阿難便語阿難行人如來有八万四千法聚我今若能受持唯先二十年中有一比丘所受持者皆悉不了以是義故當知阿難所受持者不名多聞佛所說法中阿難實有不任器者如中阿含說釋提桓因語鬱多羅言尊者我得此心智慧觀問淨提一切眾生无有盡能受持佛法唯除尊者餘不能了以是因緣當知阿難非能持一切佛法聲聞弟子及以阿難不任法器諸大乘經已具廣說如首楞嚴經中佛為淨目藏天子說阿難所持少不足言不受持者乃有無量我所知法百千億分不說其一阿難於我所說法中百千億分不持其一善男子我於一日一夜十方世界梵釋四天王天龍夜叉乾闥婆及諸菩薩一切來集為說智慧修多羅偈頌章句眾生所行諸波羅蜜及說聲聞辟支佛棄厭惡生死讚歎涅槃

大乘論卷上

第三張

滿足諸波羅蜜乃至為諸天子廣演說法一日一夜假使滿閻浮提如微塵數多聞智慧皆如阿難於一日一夜百千億分亦不能持具足一分乃至復滿十方微塵世界皆如阿難不能盡持亦復如是處處經中亦說阿難不任法器以是義故當知阿難不能盡持一切佛法問曰如來世尊不說阿難於多聞中為第一耶答曰佛於聲聞眾中假說阿難以為第一非謂菩薩又復汝等於阿難所持尚不盡聞況於大乘具足深義汝意者謂是聲聞乘即大乘者此事不然何以故因果異故若聲聞乘因與大乘因而不異者果亦應不異現見果異故當知因亦異何以故聲聞學者但斷結障觀無常行從他聞法菩薩所斷微細諸習乃至究竟觀一切法不從他聞得自然智元師智以是義故非以聲聞乘同大乘也問曰佛不說解脫无異也答曰聲聞解脫時頗能令使須彌山等盡向道場志皆曲躬光明遍照十方世界八十由旬一切魔

大乘論卷上

第五張

衆悉來降不苦薩解脫如上所說悉能為之以是義故佛於餘經雖說解脫相等无異大小實殊猶如金齒芥子中空雖有空名當與十方世界中空得為一不空雖不具大小有別又如焚火欲等日月亦如蚊子比金翅鳥如婆留枝比丘說佛本行偈

一切諸光明燈焰與擊電星月照差別日光第一飛行諸禽獸蚊蟻及與蜂衆鳥飛各異金翅窠不同

以是故雖少相似大小有殊當知因既有異果豈同耶汝言解脫无異如是觀察解脫不同聲聞解脫名愛盡解脫非一切解脫但為鈍根少智衆生假分別說大乘解脫斷煩惱習一切都盡為利根菩薩廣分別說如汝今說聲聞解脫即大乘解脫者如來則非一切種智有如是過如佛小疾遣目連詣耆耉所當須何藥是時耆耉已亡七日生忉利天目連即便詣彼天所介時耆耉將入後園即便問言如來有疾當須何藥耆曰用酥如來身者猶如金剛諸惡已滅豈有疾

乎而問耆耉如婆拘羅比丘於九十劫前以一藥果施同梵行者於九十劫中身常无病於最後身年至八十初无微病正以此一訶梨勒果微施因緣尚得无病况復如來億百千萬阿僧祇劫具足檀波羅蜜備諸功德乃至截身手足斷腦血肉而施病者以是因緣豈得疾耶如經所說則現如來非一切智如來又時入城乞食空鉢還歸為變於提婆達多今使出家如枯樹經說見大火聚介時諸比丘中便有生退心者為度馬師滿宿故數數罵婆羅門棄賴聞薩遮且乳孫陀利等於九十日中受食馬麦目連舍利弗入於陶室乃有如是等事汝意若謂有餘業者此則不然何以故如來已盡一切諸惡具滿一切无量功德有餘惡業則有大過汝曾不聞諸經中說如來永斷一切煩惱業結習耶如摩陀遮離所說偈讚

一切結習盡 唯有救世者 一切智所有 功德悉成滿

此三種習如來永盡以是因緣若有餘業此則大過汝今若謂是方便者此亦不然何以故汝意先謂佛身是實不言方便及與應化汝常自言佛身是一何得復有方便應化汝於何經聞說方便及應化耶汝經中說唯有後邊身不言別有法身與應化方便身異而我十住經中所說別有法身不與方便應化身同是故大乘經中說佛是一切智則无有過汝小乘中說一切智則有大失若謂聲聞乘即是大乘此事不然大乘者與聲聞乘則有差別以廣大故汝意若謂聲聞乘中顯示大乘是亦不然何以故理相違故聲聞乘者從他聞法大仙之乘結三寶種不斷絕故如毘琉璃寶終不出於水精之中體差別故是故大乘微妙甚深其心廣大菩薩摩訶薩次第修學始從初地乃至十地具足一切功德智業是故佛說名為摩訶衍乘若聲聞乘從摩訶衍出則有是理是故菩薩修學十地具滿一切諸波羅蜜故能出生三乘善法如

十地經說金剛藏菩薩語解脫月菩薩言佛子辭如字章字本為初一切文字皆出字本如是佛子一切佛法亦復如是以地為初亦從於地而得究竟成自然智是故大乘名曰甚深出生一切聲聞功德非謂小乘能出大也佛說十地猶如金聚具足无失去何不受如來以慈悲力為鉅根故說聲聞乘而汝信受便自偏執愛行小法不信大乘平等正教是故當知佛說大乘名寂吉勝問曰世尊昔說於我滅後當來世中多有眾生起諸諍論此是佛說此非佛說是故如來以法印印之若義入修多羅隨順毗尼不違法相是名佛說答曰佛亦不言聲聞乘者非是我說乃至菩薩大乘亦復如是佛說不異等一相故以法印印汝等入者為是義入修多羅為文字入耶若以文字入者无有是處何以故十二部經一切文偈章句各異是故當知非文字入若以義入理不相違義者若順修多羅義與法相相應其義顯現是故名為順修多羅

大乘論卷上 第九張 則

耶若顯示聲聞法名聲聞乘隨順入修多羅若顯示辟支佛法名辟支佛乘隨順入修多羅若顯示菩薩法名菩薩乘隨順入修多羅若我顯示十地功德明菩薩行是名真說隨順入於大乘但汝意偏黨獨謂入小乘三歲大乘三歲中我已說入是故三歲即是大乘何以故十二部中說毗佛略即是大乘如中何舍說云何名比丘所謂知法以能善解十二部經修多羅乃至憂婆提舍毗佛略者是摩訶衍何以故毗佛略經為諸眾生說修對治法故名毗佛略亦有眾多乘故名毗佛略亦以多莊嚴具故名毗佛略亦能出生无量果報故名毗佛略非是稱量所能知故名毗佛略除斷一切諸邪見故名毗佛略若汝意謂我聲聞法中廣說修多羅偈頌章句亦名毗佛略者无有是處何以故汝依阿舍說為毗佛略但有言語若但言語此非可信若阿舍經中必有斯義何處章句為聲聞說是毗佛略若无定文是故當知毗佛略者顯

大乘論卷上 第十張 則

發大乘非謂聲聞小乘說也汝聲聞經一部所說終无百千偈讚文句况復當有意為廣說如來世尊教諸聲聞唯示元常令獸生死使知苦本速求涅槃從初如是乃至奉行句味少則无甚深廣大之義大乘經說菩薩行為其事深廣如大喻經賢劫三昧經解脫經華首經如是等忘是摩訶衍皆名毗佛略如結解脫經中善財童子詣善知識海幢比丘所十二年中入大海三昧白海幢言此三昧中深廣元邊更有法門大此三昧不說是語已於大海三昧中見大蓮華佛從中出即以右手摩海幢頂讚言善哉善哉善男子更有善眼法門汝當受持海幢即受普眼法門章句次第為他廣說告善財言善男子我於一剎那頃所可受持普眼法門用大海水豈以磨墨續大紙聚猶如須弥山天下草木特以為筆三千世界水陸眾生志為書師於一剎那頃所受法門百千分中猶不能書盡其一分况復一日一夜乃至十二年中所受甚深

大乘論卷上 第十一張 則

無量無邊大分要義善財童子於一
善知識所從聞法已能如是無量無
邊過億千數况復諮問微塵世界諸
佛等邊及善知識所受教法以是因
緣具足大乘名毗佛略無量無邊非
聲聞耶此義甚深是故一切聲聞所
修行法悉入摩訶行道家為大言是
名隨順修多羅義我今當復說隨順比
居三乘聖道皆同斷貪欲瞋恚愚癡
名為比居修多羅者分別因果何故
曇者分別法相亦斷煩惱摩訶行者
亦說斷除貪欲瞋恚愚癡煩惱一切
惡法佛教聲聞淨已三業名為比居
為菩薩說淨已三業乃至成佛兼及
衆生滿足一切尸波羅蜜菩薩所持
是自性戒發菩提心得真實果是故
當知摩訶行者隨順比居不違法相
者三乘經說不違十二因緣大乘亦
不違十二因緣善觀察者能知大乘
即三法印若不善觀察則無大乘亦
不具三乘若誹謗摩訶行者是大過
罪汝今若言此是魔說佛而不說然
諸經中實無此語若但口言為大乘

者是魔所說終不可信汝意若謂是
佛說者猶如師子身中生豈則還食
師子三乘皆介不獨大乘是故當知
摩訶行者非魔所及唯佛能說問曰
汝非魔說我是魔乎答曰我與汝等
俱非魔耶問曰若謂我與汝等俱非
魔說言魔說者此則應違答曰我大
乘法利及與衆生順於法相故多魔
事是故如來於大乘中說言遮魔汝
小乘法唯能自度魔不擾惱何須遮
乎是以如來昔於法華及般若經中
說於當來世多有魔主博起嫉妬故
遮謗謗墮於惡趣汝所誦習於何部
經中言摩訶行是魔所說若汝經中
不言摩訶行魔所說者自言魔說此
亦叵信汝意若謂聲聞法中亦有遮
斷但事已久滅難可證據此亦不然
何以故非魔所說若假令遮佛以神
力則能守護此法經劫亦不墜沒是
故當知汝言久者但有言語假令魔
說能除惑障不違正法雖曰魔說即
是正法與佛語不異何以故如佛所
說依法不依於是人是我今但從正

理不取名字又我等所求能滅智障
煩惱障者即是世尊若實魔者終不
能說菩薩之法何以故魔不能知菩
薩從禪定生聞思修慧欲離欲惡不
善之法是大乘義唯佛能說從於初
地乃至十地如是次第四禪四元量
心四無色定滅受想定菩提心諸波
羅蜜隨宜方便成熟攝衆生法十善
道戒聞智慧不放逸離世八法八聖
道轉法輪堅持頭陀具足功德苦空
無常无我寂滅十二因緣出入諸禪
三解脱門諸陀羅尼三十七品助道
之法諸神通門實諦四辯禪智二輪
以自莊嚴皆悉和合遊戲諸法而於
生死涅槃等中不替生死亦不向涅槃
心常歡喜正觀諸地出離諸地不
墮聲聞辟支佛地淨佛國土隨順法
忍无生法忍不退轉地受正位地力无
畏不共法相好法身為衆生故住於
生死順轉決定轉隨順不轉決定不
轉如是等因果次第法不共法非覺
法魔不能說非魔境界故魔有種種
若言陰魔作是說者我終不說佛有

陰身又復若言實是魔說如斯語者
彌勒菩薩亦應遮止又尊者賓頭盧
尊者羅睺羅如是等十六人諸大聲
聞散在諸渚於餘經中亦說有九十
九億大阿羅漢皆於佛前取等護法

住壽於世界東方弗婆提渚耆耆栗
渚師子渚閻浮渚大閻浮渚跋提梨
伽屢闍賓乃至阿耨大池諸賢聖等
皆住守護佛法若言摩訶衍是魔所
說者則為佛法之大患也諸賢聖等
患應遮斷是故當知言魔說者皆是
妄語空作斯說又大菩薩諸賢聖等
皆護大乘是摩訶衍結三寶種不令
斷絕問曰如汝所說若摩訶衍是三
寶種皆悉擁護善薩聲聞如今云何
於誹謗大乘者何不遮止使斯人輩
不墮地獄不趣惡道不壞佛法答曰
業報決定不可除斷業有二種一者
決定增長二者決定受報非諸善薩
聲聞賢聖所能除滅造作惡業決定
受報不可救止如瞿迦離比丘誹謗
摩訶衍經是魔所說當知是人必墮
地獄无能拔者問曰汝言謗摩訶衍

入大乘論卷二 第十五 則

能入惡道亦是魔語我未信耶答曰
汝言佛說摩訶衍是魔語者即是誹
謗三世諸佛亦是一切衆生大惑所
言甚復當受惡口不善重報如佛
偈說

人生於世間如斧在口中 自斬害其身
斯皆由惡業

汝謗摩訶衍如是魔語非我所說我
今但欲令汝不起誹謗為利益故便
作是說猶如病人食不應食良醫時
病禁斷不聽為憐愍汝妄作綺語言
摩訶衍是魔所說過去諸佛已說摩
訶衍未來諸佛當說摩訶衍現在諸
佛今說摩訶衍是名遮斷誹謗摩訶
衍論善薩為斯誹謗大乘是故演說
初入摩訶衍論品問曰汝已遮他不
令誹謗今當云何入摩訶衍行答曰
菩薩當先具種種性隨順善行而解廣
大內心廣大界分廣大種性廣大性
既具足其心調柔漸損煩惱少貪瞋
癡好修諸善精勤誦習如是衆生六
根廣大能發大願欲求佛道種性相
契如佛所說下根下性下發道意而

入大乘論卷二 第十六 則

願亦下中根中性中發道意所願亦
中上根上性上發道意而願亦是
故諸佛隨其根性則以慈心分別教
授問曰若諸衆生各有根性云何應
為隨根說法答曰上根衆生為說菩
薩深妙法藏以知根性堪菩薩行故
說善薩藏問曰為菩薩藏者當住何
地答曰有十種行到解脫地能聽菩
薩藏時得十種法行離解脫行便得
入於菩薩之行何等為十一者修菩
薩解脫行若多若少皆悉修習二者
菩薩所有之法若多若少皆悉書寫
三者菩薩藏法若多若少皆悉供養
四者菩薩之法若多若少皆悉轉讀
五者菩薩之法若多若少皆悉聽受
六者菩薩之法若多若少皆悉受持
七者菩薩之法若多若少皆悉習誦
漸漸通利八者菩薩之法若多若少
皆悉為他分別演說九者菩薩之法
若多若少皆悉思惟善解義趣十者
菩薩之法若多若少獨處思惟修集
增明是名菩薩十行第八者是菩薩
聞慧第九者是菩薩思慧第十者是

入大乘論卷二 第十七 則

菩薩修慧問曰菩薩得是聞思修已
當入何行答曰為得已地入解脫門
如是次第聞思修生為見法界得於
已地修三解脫門問曰何等名為三
解脫門答曰行空无相無願問曰云
何為空答曰觀我人衆生无有自體
性相常寂問曰云何解了答曰當入

十二因緣問曰是空解脫具十二因
緣法耶答曰空與十二因緣等无異
相空即十二因緣十二因緣即是云
何以故因緣假起无有自體如尊者
龍樹所說偈

十二因緣空我今欲解說假名因緣法
此即是中道

一切諸法悉皆空寂何以故皆屬因
緣无自性故問曰若一切法因緣生
者何故說言无體性耶答曰所言因
緣世諦故說第一義諦則无體性亦
无有生既無有生亦无有滅無生无
滅即真寂滅真寂滅者即是一切諸
法寂滅是故我說一切諸法无有體
性如老母經中世尊所說姉妹如人
人因桴因鼓衆緣和合便有聲出如

此之聲不在三世亦非内外及在中
間其性空寂无生无滅姊令當知一
切諸法體性亦空寂无生无滅中佛自說
空是故菩薩摩訶薩修集福德禪定
智慧悉入三解脱門善觀生滅皆
空空寂猶如幻火乳闍婆城皆同夢
化如佛說言

初覺十二緣示生皆空空到那須行時
幻炎乳闍婆城

如是次第入空解脫門其心快樂
得義利問曰外道亦著我見云何應
斷答曰如是外道於内外色皆生染
著取我我所頂生无流彼著我者我
樂施與飲食財利如是種種止我
見衆生等見彼我我所著我之造作
是我瓶物如是等名依止我所彼所
作業若一若異若一異若不一不異
取著偏執但以言語誑惑於世及以
己身以是義故流轉生死不解因緣
諸法性空問曰是諸外道不解因緣
而起口執何者為過答曰僧伽所說
有計一過作與作者一相與相者一
分與有分一如是等皆名為一優樓

伽計異居健陀計一異若提子計非
一非異一切外道及摩他羅等異計
皆悉不離如是四種問曰僧伽人言
作與作者一有何過答曰語有二故
不名為一作是因作者名果是事不
同云何說一若實異言一此則顛倒
何以故以作者即是作故作與作者
前後時異云何為一問曰前後一用
如種生芽時雖前後但相似相續故
名為一答曰此亦有過若生在先作
者在後生未生異云何為一譬如有
瓶終不得並如牛角不相因生作以
作者亦復如是復次所以作與作者
不得為一聲別義別因緣別時別字
別體別若如是者則有多過若但一
者不應二名聲義體相先後異故不
得為一若作與作者一如取沮陶
師輪繩酥酪等物皆悉應得以不得
故當知非一如我心不得為一若是
一者心無常故我亦應无常以是故
作與作者相與相者量與量者分與
分者悉同是破有一瓶等亦應破遮
如色與瓶一及白甕青茶長短方圓

如是等物亦應應問曰比舍師計異有何過耶答曰若作與作者異亦有大過問曰云何為過唯願說之答曰若瓶與泥異作瓶時應取縷作甃時應取泥以作瓶不取縷故當知不異復次泥團因微塵成瓶因泥團成若瓶異泥團者瓶則元體泥團成瓶故不得為異泥團於微塵為作者於瓶為作者與作者異泥於微塵瓶但名異不應有二以是故作與作者不得為異因縷成甃因蒲成席皆亦同是說復次若有一瓶異則一切法壞何以故若有一非瓶離應有瓶若有一是瓶則為多瓶有一非故異亦應非是則元瓶以是義故汝計異者即壞一切法問曰如此說者非壞一切法何以故有一依瓶立是故有一瓶等皆成答曰若有一與瓶合有一應是瓶若瓶與有一合瓶亦應名有一以有一合故不得為異復次有一異者猶如白甃此亦有過何以故白則非甃甃亦非白白與甃異餘物亦然如燒甃時白不應燒若甃燒時

入大乘論卷上 第三張則

白亦燒者不得為異汝今以言物異相異此事不然汝先言六事各異此則應遮問曰且健陀先言一異有何過耶答曰汝所謂一異者或說作以作者一或說作以作者異此亦多過問曰有何過耶答曰若作即是作者事則不成若作與作者異事亦不成何以故因果各異云何為一以眾緣成果故不得為異作相作者相亦皆如是問曰如瓶相破而體不破以體不破故亦得為異以見體在而相破故若破瓶時本成體无不得為異答曰若言一同僧佉破若言異同比舍師破如茶青甃白亦皆俱破問曰若提子計不一不異有何過耶答曰前三計者各有兩執汝說不一應當是異若說不異即應是一何所執故而言不一不異若元所執妄有所說則壞法相問曰汝說大乘亦元所執汝亦應壞一切法相答曰我之所執世間現見是因緣法汝之所說但是顛倒不順法相故問曰何者是法相而說我壞法相耶答曰元體相者即是體

入大乘論卷上 第三張則

相問曰云何元體相為體相耶答曰空名元體相問曰云何名空以有為空以無為空耶答曰我不以有義故名空亦不以无義故名空以離於有無故名為空如尊者龍樹所說偈執有名為常計元則為斷若離於有元是名真實空復次如龍樹中論中說偈執有取體相執無者元體不存於有元是名真實觀以是故以離有元名空離斷常故名為中道若能覺悟如是法相故名為佛是故十二因緣義名之為空問曰十二因緣以何為證而知為空答曰譬如瓶泥團輪繩及以陶師眾緣和合然後成瓶非即泥團是瓶亦非離泥團有瓶但假名說瓶屬眾因緣元有體相无體相故无生无生故體相寂滅因緣所成是故无體若諸法定有自體不假因緣則无是處以無自相故無瓶瓶無故一切法亦无如尊者提婆所說偈一法若有體諸法亦復然一切法本無

入大乘論卷上 第三張則

因緣皆悉空真實觀一法諸法不二相諦了是空已則見一切空

問曰因緣生法即是體相答曰是事不然何以故若有體相若元體相非汝所及如汝所說以因緣為體相者因緣從他生故云何有體言體相者自性而起不屬因緣若屬因緣則元自性譬如假借非自有也是故因緣假他而成元有自體如尊者龍樹所說偈

因緣所生法是即元自性若元自性者云何有體相

問曰諸法體相世間現見云何元耶答曰是事不然凡愚妄見此非可信生滅之法皆悉是空生滅流速元暫停時相似相續故妄見為實猶如燈炎念念生滅凡夫愚人謂為一炎亦如駛流影響幻炎如佛所說幻及幻者都无所有而妄見者謂之為實若實者餓鬼不應見水為火沙石膿血而諸眾生以善惡故隨業所見若有淨心利根眾生則能見空夜叉餓鬼遠見其水近則見火便生疑惑若

大乘論卷上 第三十張別

物有實不應二見以二見故則知非實但妄見故當知一切諸法皆元體相以元體相故都无生滅問曰若一切法元生無滅云何得有來去計斷常過答曰以見種子故便計來去若得法空則離斷常如因種子有芽莖枝葉花果次第而見芽生故種子滅是以不斷乃至果生故花滅亦无常過如尊者提婆所說偈

諸法相續有則非是斷滅因滅故果生不得名為常

以是故見因緣空即離斷常問曰癡因緣行云何而得離於斷常答曰因无明故有善惡行乃至因生故有老死凡夫不解因緣相續妄計為實元明體空故行亦體空乃至生體空故老死體空以世間假名有相續故元斷滅過念念不住元有常過以凡夫眾生死此生彼相似相續故如佛所說第一義中无有眾生死此生彼但以世諦假名說故識為種子行業為田以慢土覆无明為糞受水為潤父母精氣眾緣和合生名色芽是故名

大乘論卷上 第三十五張別

色無有自體猶如牀脚相假而用初名歌羅羅二名安浮陀三名肉段四名堅實五名諸炮開張六名為觸生法次第相假而有名為斷菩薩善解因緣法故即知其空以因緣空故一切法空解法空故无斷常過如出胎經中佛所說偈

隨假名字而得諸法名中元法是則真實

以是故非言說故有法若隨名字有諸法者法則多體猶如空法无一無多問曰若一切法元體汝言有過現見有故答曰若法是有言元則過法既非有云何言過以是故諸法如初後亦復然若諸法定有體相後涅槃時應是斷滅若先非是空後言空者則是邪見壞於正法亦无解脫如尊者提婆所說偈

不空而見空我應得涅槃邪見非涅槃如來之所說

諸法本空故恒見是空如過去佛所見空相今亦復然是故我說因緣法空是則元過如是先立第一義諦後

大乘論卷上 第三十六張別

分別世諦我及衆生作與作者乃至一異則無過失如尊者龍樹所說偈不說分別諦不得於實諦若不得實諦則元得涅槃

復次說偈

諸佛演說法常依於三諦分別於世諦及與第一義若不能分別真俗三聖諦如是則不知佛法甚深義

是故因緣法空名為真如法性實際是名修習第一義擇見因緣空即是空解脫門若見空者則不見諸法相是名無相解脫門見無相故無所願求是名無願解脫門安住如是三解脫門識種子於三界內則更不生名色等芽識無取著滅三有苦三有滅故得寂滅涅槃如尊者提婆所說偈識是種子義遊行於六處若見諸塵空有芽則斷滅

問曰若薩度空出於生死云何能得勝於聲聞答曰若薩得世間利出世間利度余炎地故雖出世間能住世間教化衆生聲聞不然怖畏生死求速滅度以出世間道見於法界見法

入大乘論卷

第二十二卷

界已到涅槃岸菩薩不亦何以故菩薩見衆生苦起大悲心為欲度彼堅住莊嚴於阿僧祇劫修行出世間道於一念頃觀一切法界觀法界已衆生緣故不取果證乃能度脫如佛阿耨大池經中說譬如二人欲墮山頂一人有力善巧方便以巧便故墮山頂一起得昇山頂一人力少復元方便即住退墮不能復起菩薩於元為法中不證不著如善巧人得昇山頂聲聞之人以證者元為故如少方便者墮而不起譬如長者有一子以飢餓故遠至他國經數十年長者後時住一大城其家巨富多積珠玕漸得傭力故還來本國菩薩有元量無邊阿僧祇功德到余炎地向於涅槃以愍衆生故還入生死於阿僧祇劫久受勤苦菩薩摩訶薩乘大苦乘求無上果不可思議出過一切聲聞辟支佛上具足一切功德智慧是故超度余炎之地云何菩薩乘大苦乘譬如有入乘船入海遇大惡風濤波如山有如是等元量衆難諸伴心為生大

入大乘論卷上

第二十八卷

恐怖是時船師巧持帆故能度衆難有福德人得度難已獲大珍寶菩薩摩訶薩度生死海亦復如是為惡知識不信所難趣向惡道第一阿僧祇劫修治淨地行求淨解脫第二阿僧祇修淨禪定行第三阿僧祇修淨智慧行除余炎地障是故菩薩名乘苦乘滿足十地得無疑無障一切行具足故得阿耨多羅三藐三菩提是故以余炎智得成大果

入大乘論卷上

癸卯歲高麗國大藏都監奉勅雕造

入大乘論卷上

第二十九卷

入大乘論卷下

堅意菩薩造

北涼三藏法師道泰等譯

則

識論空品第二

問曰汝先說調順乘大苦樂得妙果報菩薩所得境界甚難了知答曰菩薩行處微妙甚難於三阿僧祇劫可成就無量百千萬億那由他劫在凡夫中無有出世之法如尊者提婆所說偈

無量億劫中常在凡夫地汝今應當知未來亦如是

是故菩薩行處甚大亦復難得散亂眾生得聞甚難能說亦難況復修行如尊者提婆所說偈

生得值法難聽說亦復難生死雖無際聽法故有邊

問曰尊者先所說十地願時為我分別演說何等為菩薩十地答曰初歡喜地二離垢地三名明地四名焰地五難勝地六現前地七深遠地八不動地九善慧地十法雲地云何名歡

喜地出過凡夫得不思議出世間道心生歡喜故名歡喜地云何名為離垢地離散我治故名為離垢地云何名明地依十二門得明智慧故名為明地云何名焰地得增上學見分別道品燒煩惱薪功德熾然故名焰地云何名難勝地修習十智雖伏煩惱未能勝故名為難勝地云何名現前地能逆順觀十二因緣得法現前故名為現前地云何名深遠地受佛功德智慧次第下聞餘心深入法相故名深遠地云何名不動地離色等相堅固難動故名為不動地云何名善慧地入四辯才解一切音聲隨其所問於一剎那頃悉皆能答故名善慧地云何名法雲地能受一切佛法猶如大雲能注法雨故名法雲地是名菩薩具足十地如是十地是菩薩安住行處亦能滿足一切智慧如十地經中之所廣說若能如是知菩薩十地者是名善知安住行處亦名善知菩薩廣大功德處所亦能善知如來無量功德廣大處所若不能如是

入大乘論卷下 第二張 別

知者我今立決定捨當知是人於菩薩法及如來法皆悉不了菩薩摩訶薩從初發意乃至十地常修四行如寶頂經中說善知無明行諸波羅蜜行分別道品行成熟眾生行如是四行惣入二輪所謂福輪智輪菩薩諸地志具二種智果福果問曰云何成就二果答曰初地福果為闍浮提王第二地福果為轉輪聖王主四天下第三地福果為天帝釋第四地福果為焰魔天王第五地福果為兜率陀天王第六地福果為化樂天王第七地福果為他化自在天王第八地福果為千世界梵第九地福果為二千世界梵第十地福果為三千大千世界淨居天王如花嚴經廣說如來出生果報及攝受世界是名菩薩福輪云何名菩薩智輪初地菩薩於一剎那須得百三昧見百諸佛神通能過百佛國土能動百佛世界光明遍照百佛世界能成就百眾生能知過去百劫未來百劫能入百法門能現百身復為一身以百菩薩莊嚴眷屬若

入大乘論卷下 第三張 別

以願力復過於此百千萬億无量無邊亦非竿數譬喻所知若身力若光明力若神通力若眼力若臂力若行力若莊嚴力若住持力若解脫力造衆善業是名初住菩薩於剎那頃成就如是無量功德二住菩薩得千三昧如是廣說三住菩薩得十萬三昧餘亦如初住廣說四住菩薩得億三昧餘亦如初住廣說五住菩薩得千億三昧餘亦如初住廣說六住菩薩得萬億三昧餘亦如初住廣說七住菩薩得億百千鄉由他三昧餘亦如初住廣說八住菩薩得十三大千世界微塵數三昧餘亦如初住廣說九住菩薩得十佛世界百千阿僧祇微塵數三昧諸餘功德如初住廣說十住菩薩得十佛世界不可說不可說億百千鄉由他微塵數三昧諸餘功德如初住廣說於一剎那頃乃至見十佛世界不可說不可說億百千鄉由他微塵數諸佛如初住菩薩於一剎那頃見百佛世界乃至成就百衆生十住菩薩亦復如是問曰如佛

入大乘論卷下

第四品 附

所說一世界中元二佛出云何菩薩見十佛世界不可說不可說億百千鄉由他微塵數諸佛答曰諸佛說言一世界中元二佛者為彼鈍根小心衆生不為利根大心者說如汝經中說一世界无二轉輪聖王无二佛出然諸四天下實有衆多轉輪聖王諸佛出世亦復如是問曰釋迦牟尼佛亦能遍一切佛國何必餘佛答曰若如汝言但一佛能遍滿一切世界者不應有過去大釋迦牟尼佛七佛出世得成正覺是以我言多佛无過假使釋迦牟尼佛神力能遍一切世界今无量諸菩薩等廣修万行功德滿足皆當成佛无有一人獨成正覺而障諸菩薩使不成佛无有是處如阿含枯樹法輪及餘諸經說是經時有六十比丘漏盡意解俱得阿羅漢果菩薩亦亦初行齊等同時成佛當知十方有无量諸佛又金沙阿含二部經說有佛始成有佛現在有佛滅度復次說偈

入大乘論卷下

第五品 附

皆滅於愁憂一切尊重法今本皆修行未來亦復然正覺法如是曇無竭多亦說是偈頂礼一切佛漏盡无有上無量諸佛身正覺寂勝尊正覺所生處并及得菩提能轉正法輪入无漏涅槃若住若經行如來之所坐卧如師子王我今皆悉礼上下諸世尊方面及四維法身與舍利敬礼諸佛塔東方及北方在世兩足尊厥名曰難勝彼佛所說偈若以此偈誦常讚於世尊生死百劫中終不墮惡道如佛為尊者目連說言非汝退神足但是舍利弗以神通力用其衣帶繫難勝坐如是等佛而汝經中自作此說况摩訶衍辯明諸佛无量無邊等於法界同虛空界諸佛世界悉有諸佛初地菩薩身行清淨雖有結使而不能擾七住菩薩不名斷結亦不名有結云何名不有結不斷結以不為結使所擾故名為无結愛佛功德故名為有結第二阿僧祇劫滿足得於八地一切行具足无有所作一切結使盡故得成菩提空靜住處得滅盡

入大乘論卷下

第六品 附

定如阿羅漢如是得无生法忍若諸佛不勸諸者即於彼定入无餘涅槃如經中說得无生法忍離煩惱障如阿羅漢得寂滅无餘離於生死得自在在何等為十壽命自在得心自在衆具自在作業自在生處自在解脫自在神通自在願自在法自在智自在得如是自在善修如意足故降伏四魔何等為四陰魔煩惱魔死魔天魔為衆生故皆患一味得无緣慈猶如如意藥樹隨衆生所願皆使成就問曰云何菩薩自身作業能令衆生隨願令得答曰菩薩以慈心為體猶如見毒而能然人衆生見菩薩故便得利益問曰八住菩薩以盡結使云何最後身菩薩生羅睺羅答曰誠如所言若最後身菩薩有實欲者乃至无佛可得况羅睺羅問曰云何无佛答曰若毀戒无尸波羅蜜若無尸波羅蜜則无諸波羅蜜如佛所說若无戒則无施無施則無忍无忍則无精進无精進則無禪定无禪定則无智慧无智慧則無一切諸功德无一切諸

功德則无佛無佛則无羅睺羅汝何以疑生羅睺羅有結无結八住菩薩元諸煩惱如阿羅漢以方便力故現受五欲作諸過惡捨四天下轉輪王位今使衆生得厭離心猶如婆留校比丘說佛本行偈

一身為多身作已極為勝非實亦非虛各各令喜悅放恣生欲意威壯狂所亂現同行於欲引令到彼岸禪智能燒滅欲界諸結使欲結甚狂逸能示現其心

菩薩觀欲知如幻夢是故以此令轉其意大悲菩薩作諸幻術而化其心問曰云何作此幻術誑惑衆生答曰

菩薩常以四攝法方便教化一切衆生同事利益為破結使故如翅燒菩薩本事因緣以欲狂心擔負死尸走

婆歌舞菩薩方便亦現同彼為除彼女熾欲憂患故現同事不名妄語一

切菩薩方便同事皆非妄語世間幻術少有利益菩薩得无量解脫如幻

三昧門諸有所為能大利益成就衆生故无有過問曰羅睺羅為是應化為真實耶答曰二俱无過菩薩身者

即是天身如本起經說佛告阿難如來為衆生故出現於世不以天身轉於法輪何以故欲令衆生不懈怠故佛以天身得成正覺非我凡夫之所能成以是故天中天為憐愍衆生故示現世間有其父母妻子眷屬若是幻化現有羅睺羅此亦无過若是實人亦无有過菩薩方便得不思議解脫住於大地成就衆生手為化生父母兄弟妻子

問曰羅睺羅是菩薩耶答曰不但羅睺羅獨是菩薩住迦毘羅城諸擇

種童子阿難難陀提婆達多阿菟樓駄等皆是大力不退轉菩薩如婆羅

樓志於本行經中所說偈或是大丈夫或是佛所化提婆達多者

大仙之同伴或復為父子常作內眷屬菩薩有大力權能為此共佛及餘人

菩薩諸大仙阿難難陀等 都律釋摩南跋陀典桂沙憂波桂麗等作父子眷屬咸皆共圍繞

問曰提婆達多於五百身中常與菩薩而作大怨云何復言名菩薩耶答

曰提婆達多非佛怨耶何以故若提婆達多是佛怨者菩薩修善提婆達多恒造諸惡云何世得與菩薩共俱相值以是義故提婆達多非菩薩怨譬如二人各行一人趨東一人向西步步相遠而常違背云何為伴得相值耶若提婆達多是菩薩怨者如來世尊應有大過問曰有何過耶答曰若令者佛非一切智亦无神力是為愚癡則不能得擁護眾生非金剛身如來便應有餘業不能斷盡云何知佛非一切智如來在耆闍崛山為提婆達多推石所壓而不覺知是故當知如來非一切智云何名為无有神力提婆達多持杵打害不能禁制以是當知无有神力云何名為愚癡現見害至而不知避是以當知為愚癡也云何名為不能擁護眾生提婆達多作五逆罪而不救度以是當知不能擁護眾生云何名非金剛身轉輪聖王以少福報而无怨害何況如來轉法輪王為石所壓身血流現當知如來非金剛身云何名有餘作業不能

入大乘論卷下 第十張 則

斷盡為他所打當知如來餘業不盡若欲令佛无是過者如來便應忘滅怨敵但以善巧方便欲令眾生起厭惡心現作逆害墮於地獄欲示業報不可壞故又復欲為墮地獄者歸依如來誦佛救護又為來世豪貴之人入佛法中若有恃其勢力復以鞭杖加打於人令此眾生便作是念如來之身猶被毀害況我凡夫薄福德者汝言逆罪但是菩薩善權方便如是逆罪名雖有五而實有二破僧害佛如是等業世間所无提婆達多是大實伽羅菩薩為遠眾生起逆罪故現作二業墮於地獄菩薩摩訶薩隨所應作以化眾生乃至現同魔業令魔波旬以三玉女顯現如來無欲之相又兩刀劍一切鋒利顯現如來无瞋恚相亦无貪愛及愚癡相問曰天魔來意欲壞如來正覺之心汝云何言欲顯如來无貪瞋耶答曰不為遮斷何以故若如來出過魔界猶為魔遮者大梵天王亦出魔界云何不遮菩提是道之妙果无能奪者亦无與者

入大乘論卷下 第十一張 則

故不可壞言魔擾亂凡有二義何等為二者實有惡業為魔所擾二者為進新學令心堅固為魔逼試實是菩薩真善知識現作魔來增益功德譬如道路以恐畏故疾疫險難猶如好牛以少鞭杖則得調利問曰天魔亦有是菩薩耶答曰非但此世界魔是菩薩十方世界魔王者多是菩薩如維摩詰經中所說十方世界作魔王者多是住不可思議解脫菩薩能乞手足頭目髓腦如是言者皆是住不可思議解脫菩薩何以故若非菩薩者未堪斯事譬如香為蹴踏非驢所及唯諸菩薩乃能行耳如彼廣說以是義故當知菩薩善知眾生種種所行為欲顯其功德智慧方便力故或現作熱熱者作乞乞者問曰若羅睺羅實是菩薩者云何復言聲聞阿羅漢耶答曰菩薩亦名聲聞亦名阿羅漢何以故令一切眾生聞阿耨多羅三藐三菩提故名聲聞於一切天人阿修羅應受供故名為應供菩薩摩訶薩為化眾生故現作聲聞阿羅

入大乘論卷下 第三張 則

漢問曰諸餘聲聞亦是菩薩耶答曰諸餘聲聞亦有是菩薩者如法華經中舍利弗等五百弟子悉是菩薩皆當作佛一切聲聞皆是阿鞞跋致菩薩如不退轉法輪經中廣說以是故

自在者何以故不斷一切智障故問曰云何名為智障答曰出世間無明名為智障猶如娑羅留技本行中說偈

當知菩薩皆現為聲聞問曰一切聲聞皆成佛不答曰聲聞成佛此亦無過問曰云何無過答曰先斷結障後斷智障淨治諸地向一切智是以無過問曰燒滅結使如燄殺芽云何得佛答曰若如汝言斷滅結使不得成佛者汝及一切衆生皆具諸煩惱即應是佛汝意若謂具煩惱人非是佛者難煩惱者應當得佛汝言燒煩惱結如燄殺芽而不成佛亦无是處我不欲令具煩惱種生佛法芽汝癡无智顛倒解故謂煩惱為佛法種阿羅漢初斷煩惱後除智障修菩提道得成正覺阿羅漢中有少斷智障者有不斷者有得无諍三昧者有不得无諍三昧者有得五神通者有不得五神通者有得四辯者有不得四辯者有得禪出入自在者有不得禪出入

無明有二種世間出世間世間無明行賢聖已遠離愚癡无妙解不能如實知依止此心識法界諸險處未能及本原云何決定出法身證涅槃唯佛能了知佛婆伽婆乃能知其體性智慧及大悲斷結是名聲聞所斷智障聲聞有二種一者勤修禪定是鉅根人二者迴向菩提能斷智障是利根人樂行禪者如寶良經說猶如水指終不能成摩且寶珠聲聞修禪亦復如是終不能成菩提果也此是諸佛境界非我所知一乘多乘今但略舉其義以明佛教不相違背我未能了辟如長者遠行疲極現作化城此經中說但有一乘實无有三佛亦自說唯有一乘更无二三問曰如來以何行得斷結使而成佛耶答曰經中說言佛告阿難能修四如意足者若住一切若住多劫乃盡生死一切諸經皆同是

說若汝言无煩惱者我亦如是若有親愛信歸於我當為汝說問曰云何住壽答曰阿羅漢无煩惱與八住菩薩同善修如意足故能隨意住世乃至盡於生死羅睺羅寶頭盧等盡住於世為以此身住世為更有餘身住若以實身而住世者則无其義若變化身住壽多劫斯有是處亦如僧祇中說青眼如來等為化菩薩故在光音天與諸聲聞衆无量百千億那由他劫住如彼天中聲聞住壽多劫當知此界亦有聲聞能如是住聲聞元結能如是住者當知八地菩薩亦能如是盡生死住問曰佛言弥勒菩薩一生補處以是因緣當知菩薩有生耶云何得名無生乎答曰言有生者是戲論法菩薩摩訶薩以方便力示現受生非是真實如維摩詰語弥勒菩薩言无生可得云何如來授仁者記一生當得阿耨多羅三藐三菩提為過去生未來生現在生若以過去生過去生已滅未來生未來生未至現在生亦無住故如觀過去未來現

在生皆不可得是故我說八住菩薩於第二阿僧祇劫盡有作行住無作行如阿羅漢斷結使而說偈言

從初發意來方便行諸地得到第八地自在盡諸結

順修諸行品第三

問曰如向所說八地菩薩善斷煩惱一切結使云何成佛得一切智答曰菩薩摩訶薩除身諸惡寂滅結使離於生死遊戲自在金剛力士常隨護助獲得清淨金剛之身如來藏經中廣說得四辯智淨治第九地於二千梵中得自在力能善說法為大法師能入如來秘密之藏淨治第十地得無量無邊禁咒方術能令一切自在无碍作摩醯首羅天子亦為一切世間依止問曰所言摩醯首羅者為同世間摩醯更有異耶答曰是淨居自在非世間自在汝言摩醯首羅者名字雖同而人非一有淨居摩醯首羅有毗舍闍摩醯首羅其淨居者如是菩薩降於佛地猶如羅穀障於一剎那須十方世界微塵數法志能了知

入大乘論卷下

第十六條 別

能以口吹十方世界皆大震動又以一身遍一切佛國亦如皇太子初受職時以已業力故大寶蓮華自然化出受一切種智位坐寶蓮華王座有無量菩薩亦坐蓮花上而自圓遠坐寶蓮花已十方世界諸佛放大光明照此菩薩受灌頂位如轉輪聖王長子受王位時受灌頂已即於彼座斷除智境微細之障得首楞嚴三昧毗楞嚴三昧法華三昧得一切實法決定三昧不可思議解脫三昧甚深无畏海水三昧微妙清淨離垢三昧諸法平等无言說三昧乃至金剛三昧得如是諸三昧已志無障碍一切行滿足覺一切智境成阿耨多羅三藐三菩提成正覺已得如來十力得四辯智十八不共法能遍至一切佛國得一切諸佛不壞法身遍滿一切法界一切身口意業相皆悉除滅得无為寂滅處登如來地有二因緣一於一切世間顯現色身悉以本願无作業力二以衆生分別想異是故能作種種色像皆志應之是名如來无碍法

入大乘論卷下

第十七條 別

身問曰如經中說從初出家能住佛法名為法身答曰此事不然汝若以是名為法身唯法无佛則无三歸若欲令具三歸依者始從初地乃至十地在淨居天成於正覺自在應化名為法身具足三寶問曰若以如是名法身者虛誑无實何以故如來具足功德捨兜率天降闍浮提生於王宮於後邊身得成菩提云何而言於淨居天成佛道名為法身耶答曰非闍浮提成佛十地功德非欲界法况於闍浮提得成正覺我先不言八住菩薩盡一切結漏能作千世界梵王九住菩薩作二千世界梵王十住菩薩作三千大千世界梵王以指願力致生淨居天斯有是處於闍浮提實身成佛者則非其義以是義故當知淨居天成佛非闍浮提乎問曰假使生於闍浮提得成佛者亦能於三千大千世界而得自在答曰此事不然何以故福德果報決定有慶汝不知故而作是說若釋迦牟尼佛生闍浮提於三千大千世界得自在者於一

入大乘論卷下

第十八條 別

切十方世界亦應自在問曰縱令十方皆使自在復有何過答曰若令者但是一佛世界十方諸佛則無依果復次如諸經說皆謂釋迦如來三領三千大千世界不言乃至十方世界若如汝語則无因果如經中說諸佛出世國土衆生皆是依報各有齊限是故當知在淨居天成於正覺領三千大千世界非閻浮提問曰若佛非閻浮提成正覺者如來四塔則元利益答曰我先不巳說耶若以結使因緣受身則无成道無尸波羅蜜者无尸波羅蜜則無諸波羅蜜若无諸波羅蜜則无佛若無佛則无四塔問曰汝之所說皆非義理何以故一切諸部論師皆說一切諸佛皆從閻浮提出而釋迦如來生於林弥且園在伽耶城坐於道場成等正覺於波羅捺而轉法輪拘尸那城入般涅槃是故汝言非也答曰此事不然何以故我意不欲令諸如來於此而出在首陀會天而成正覺若首陀會成正覺者則无王宮生亦無出家亦无成道何

以故若令如來便无親族亦无生處亦无有滅如法華經智照經如來出生經皆廣說如來不生不滅迦葉亦自說言我依一切種智出家當知此義即是示現如來不生於金棺內而出其脚迦葉致礼則明如來不滅是故當知如來法身不三不減問曰如來都无少生滅耶答曰我今依理正說如來實元生滅非為妄妄如來但以方便示現生滅皆是不可思議為化衆生故如佛於修顯經中說我於娑婆世界若以實身現者則無一人而受我化是故此處最為甚深亦是秘密亦名顯現皆為下根衆生智慧微淺不能得知甚深之法是故方便為現斯事以偈頌曰
大乘甚深廣顯現易可說能智心快
聞則懷驚疑真是佛子者能知其甚深
今乃真實說但為求佛者成就於二乘
人天諸利根受福乘此乘是名大乘道
大乘能出生聲聞緣覺道若遠大乘者
云何得諸果猶如諸字本離本則无字
若離摩訶衍亦无一切乘幾很少智若

不信於大乘以不能信故則无一切乘自利而兼他是名无上乘是故當親近乃至成佛道
是義甚深難可顯現不應處處而為人說問曰雖不得一切處說應為能解者說若發大心增長智慧應為是人具足分別如前所說答曰有四不思議所謂佛不思議憍定不思議龍神不思議業報不思議佛不思議應顯現法雖有利根衆生從盧舍那佛以來所說諸法甚能堪受問曰云何得從彼佛以為次第乃至今耶答曰如來法身為化衆生有四方便何等為四一者多種多羅波羅比地二者多種多羅且比致三者阿迦多波羅比致四者阿迦多羅比致此四深妙奈言無以譯之故存梵本耳問曰若如來法身常是寂滅无相無為云何而得隨順有相答曰以本願力故如入滅盡定比丘雖元心相以先要心若打捷提聲發至耳隨其聲發即得出定菩薩亦復如是發菩提心本誓願力若使我得寂滅法身今時心識

雖復无相以無作力故教化衆生是故如來无相法身便能普應隨順有相如三千大千世界百億兜率天百億炎摩天皆悉俱時示現色身現色身已或復捨壽或現入胎或現初生或作釋梵四天王等接事左右或現行七步或現師子吼或復自言天上人間軍尊軍上是後邊身斷生老病死或現童子或現入宮或現出家或現苦行或現坐道場或現降魔或現初成佛或現覺悟衆生或現久成佛或現轉法輪或現成熱不成熟衆生或現度脫已成熟者或現當入涅槃或現已入涅槃或現間淨提全身舍利分身舍利或現兜率下來乃至現度脫成熟衆生隨應所見皆為現形或復數數示現或復暫時示現如是說者名真實義終不三阿僧祇劫修行諸波羅蜜而成四十五十年果便滅盡耶云同當說因如須弥只羅山等果如芥子微塵分許是故汝說即是顛倒如我法中乃可令使因如芥子果如須弥只羅大山此合

入大乘論卷下 第三十三條 別

斯義是故三阿僧祇因得盡一切生死果報應化衆生法身常存如法化壽量所明亦如文殊師利授記品中說也彼云何名為多但多羅尼比致如佛所說我作佛事已竟語諸比丘我涅槃時到如是十方諸佛亦復如是為化衆生故作如是語其實不滅一切佛國神通變化皆與虚空法界齊等是故當知法身是常色身應化故无常若以色身觀佛者不名見如來如佛說偈
若以色見佛 音聲求如來 是人行邪道 不名為見佛
以是義故以法身觀佛名真見如來如蓮花比丘見佛色身便作是念我輩先見佛佛言汝不先見我唯須菩提識於法身已先見我是故當知位階十住名見法身若法身即礼一切色身如佛於法華經中說若人稱名供養觀世音法身者勝供養六十二億諸佛色身何以故以其位階十地得佛法身亦名菩薩亦名為佛以是故知法身為本元量色身皆依

入大乘論卷下 第三十三條 別

法身而現化出是故佛便假說六十二億恒河沙色身不如供養一法身乎如佛於寶積經中所說
如是迦葉如世間入月初出時恭敬礼拜至其圓滿而不恭敬何以故從初以至滿故如是迦葉若善男子欲恭敬我者先當敬礼菩薩何以故以佛從菩薩地得滿足故乃至經歷生死變化色像利益衆生以是義故彼已得佛果是佛實說非虛妄也問曰若未入菩薩地者受具戒比丘得為礼不答曰得礼以初發心菩薩勝於一切聲聞辟支佛故如尊者羅睺所說偈
若發深心 必生菩提 故為一切之所恭敬
問曰云何受具足戒比丘而礼不具足戒未入正位菩薩耶答曰應礼菩薩何以故聲聞戒要須受得盡壽便捨菩薩發心成就自性第一義戒解脫戒是故聲聞雖受具足戒猶應礼彼未入正位菩薩以菩薩體性不煞遠難刀杖乃至至鐵盡无煞心而有

入大乘論卷下 第三十四條 別

慚愧如是廣說體性不盜乃至體性不邪見如波羅提木叉戒命終時捨罷道時捨菩薩大士性戒成就乃至道場終不中捨以是義故雖受具戒應為作札問曰成就體性戒者乃可供養不應禮拜答曰不然以有戒功德故亦應禮拜豈但供養汝言不受戒菩薩不應向札我今復當為汝廣說不但以白四羯磨故而受具足戒如此毗婆沙中說有十種受具足戒菩薩有種種受戒何等為十如佛自言善來比丘自然已得受具足戒如摩訶迦葉自捨因緣受具足戒如憍陳如見諦故受具足戒如波闍波提比丘尼以八法受具足戒如達摩提那比丘尼遣使受具足戒如須陀毘耶沙彌論義受具足戒如耶舍比丘等善來受具足戒如拔陀羅波撈伽三歸受具足戒如邊地第五律師受具足戒中國白四羯磨受具足戒是以菩薩常受具足戒未曾捨離問曰若被法服菩薩得白衣菩薩不答曰菩薩方便具足五通隨順衆生

入大乘論卷下

第二十五卷 則

一切形相而同其服亦隨一切衆生入於諸趣同其狀類大菩薩等隨衆生業報變化受身如尊者拘摩羅陀所說偈言

諸趣悲變化 唯除淨居天 隨業種種轉 無處不受生

以是故知諸菩薩常同利益隨其受生而化導之以方便力但為衆生不隨煩惱業報所繫如尊者提婆所說偈

或現作師長 或復為弟子 以種種方便 為化諸凡愚 自在於諸趣 常為衆恭敬 若不恭敬者 是大憍慢業

是以菩薩雖形服在俗應得札敬猶如如來為化衆生作若干種形亦如化弗迦沙王作老比丘形作瓦師形作力士形作琴瑟伎術師形亦現種種在家人形雖為種種无量形狀一切皆應恭敬禮拜是故雖同俗服應加札敬如佛所說偈

嚴飾諸行而寂滅 調伏決定修梵行 於諸衆生捨刀杖 是名沙門婆羅門 是以於諸菩薩不應取其形狀相貌

入大乘論卷下

第二十六卷 則

而生分別菩薩但為三界衆生作大舍宅或化為佛或化為天人乃至化為種種畜生一切皆應禮彼菩薩功德妙衆不應作心札其狀貌如彼世人致札形像速敬法身豈在金石涅團土木而尊事乎是故菩薩以諸方便作內外形利益衆生札无咎耶是以如來非是涅槃非不涅槃如羅睺羅所說偈

生死苦長遠 應當入涅槃 以大慈悲力 久住而不捨

是故當知隨生死久遠法身常住色身應現猶如燈滅是故菩薩法身勝於諸佛色身諸佛色身於欲界而成正覺菩薩法身住於淨居菩薩法身住於諸佛一切種智諸佛色身為化衆生今諸釋梵四天王等皆悉恭敬是以佛說供養六十二億恒河沙諸佛色身不如供養菩薩一法身也如集一切福德三昧經中所說喜樂正法終不說佛入於涅槃如法華經中說偈常在靈鷲山及餘諸住處凡愚无智者雖在而不見

入大乘論卷下

第二十七卷 則

如入一切世界大莊嚴三昧經中說
告善男子汝見如來法身不白言世
尊唯然已見於一毛孔見億百那由
他諸佛世界身口業等遍滿一切諸
佛世界又如來密藏中說持速疾菩
薩觀如來頂上至无量諸佛世界猶
不能見如目連尋如來說法音聲乃
至野馬世界猶不能盡於佛音聲如
首楞嚴經中所說如來處於宮中而
現无量世界初生轉法輪入涅槃如
密藏經中說如來法身住於一切衆
生身中光影外現猶如淨絲縷摩尼
珠无所障礙亦復如是是故當知如
來法身遍在一切諸衆生中如佛所
說乃至枯樹樵木亦悉皆入不應生
害况復餘類是故不應稱量衆生除
諸如來無能知者如維摩詰所說一
切佛土皆悉嚴淨此娑婆世界亦是
大心衆生有如來藏故釋迦如來以
善方便令諸聲聞大弟子等現五濁
世諸外道等雖計一異如是人等一
切身中亦有法身悉從菩薩善方便
生皆為顯發摩訶行道是故當知菩

入大乘論卷下

第三十卷

薩於三千大千世界教化衆生故種
種不同若利根衆生為讚大乘而无
譏嫌令心易解若鈍根衆生入邪見
林著惡癡網得見諸佛菩薩因緣故
滅諸邪見乃入大乘是故摩訶衍於
諸乘中最為根本若有衆生受持信
解此大乘者當知是人業報煩惱皆
悉消除如世尊為阿闍世王解諸疑
悔經中所說光相勿作是言何以故
汝於諸佛世界十劫修諸禪定不如
於此娑婆世界能一食頃修持慈心
何以故於餘世界斷除煩惱亦復不
如於此娑婆世界一食頃中修習善
業如與文殊師利授記中說及餘諸
經皆具分別若有衆生誹謗正法如
般若經及法華中廣說其謗法過逆
罪若能受持信解大乘乃至五無間
等皆悉消盡如佛所說偈
所作重惡業能深自悔責敬信大乘法
拔除諸罪根
佛說如是真實法相信心次第相續
連注皆悉空寂先所造惡即能消滅
如世尊解除疑悔經中說也大王觀

入大乘論卷下

第三十卷

察決心以何心煞父為過去心未來
心現在心耶若過去心過去心已滅
若心已滅則無方所亦无住處若未
來心未來心未至若現在心現在心
不住譬如幻化非青黃赤白紫頗梨
色體性純淨乃至非相非可見如是
廣說即得勝趣是故當知摩訶衍者
是根本乘如弥勒莊嚴經中說發菩
提心事解善提心住善提心得大利
益不墮惡趣解善提心淨善提心從
地至地漸漸增益而得法身能現神
通如盧舍那佛所作變化而說偈言
若得无垢身色像則无量或出於閻浮
或處於兜率從於定光佛乃盡生死際
知時與非時當知定光化非是形色
亦復非无相悉由於本行亦如水中月
身口意皆密意是不共法一切諸世界
色身現解脫持世諸天人欲觀見佛頂
无邊不思議過於億世界日連諸弟子
至心求佛聲亦過百千界尋聲无邊際
法身功德華一切無能知不可以形類
言辭巧宣說見聞唯佛力非我之境界
念報佛恩者頂戴信奉行今我所說法

入大乘論卷下

第三十卷

迴施諸衆生悲滅煩惱結得證無上道

入大乘論卷下

癸卯歲高麗國大藏都監奉
勅雕造

入大乘論卷下 第三十二則

大乘掌珍論卷上

則

清辯菩薩造

大層三藏法師玄奘奉詔譯

普為饒益一切有情正發無上菩提
大願等觀世間常為種種不正尋伺
紛擾暴風亂心相續邪見羅網之所
縋網生死樊籠之所禁籠無量憂苦
毒箭所射諸有所行皆離明慧故我
依止如淨虛空絕諸戲論寂靜安樂
勝義諦理悲願纏心不忍見彼衆苦
所集為欲解脫自他相續煩惱固縛
住元退壞論於金剛堅固輪圓增上
意樂捨度无边生死大海不憚其中
所受元量衆苦災損發金剛喻不壞
精進為正開覺如是觀察要證出世
無分別智方能正知先所未了一切
有情聚根勝解界行差別及能破裂
自他相續所起一切有習元習衆苦
根本煩惱羅網亦能為他起真捨願
堅固受持大士戒行然證出世元分
別智要須積習能壞一切邪見眼瞤
無倒觀空要膳那藥如是積習元倒

觀空安膳那藥要藉能遣一切所緣
自性間慧由是或有依廣文義正法
擇門已入法性數復勤修勝進加行
於廣文義決擇現前甚大劬勞心生
憊倦或有雖復未入法性而是討根
為欲令彼易證真空速入法性故略
製此掌珍論

真性有為空如幻緣生故無為元有實
不起似空花

於自他宗計度差別雖有衆多遍計
所執然所知境略有二種一者有為
二者元為以諸愚夫不正覺了勝義
諦理有為元為無顛倒性妄執諸法
自性差別增益種種邪見羅網如世
有一元智畫師畫作可畏藥叉鬼像
或女人像眩目亂意謂為實有執實
有故自起驚怖或生貪染於彼境界
衆多計度增長分別諸見羅網若正
覺知勝義諦理有為元為無顛倒性
亦時如世有智畫師不執彼有真實
自性非如前說有為元為境界差別
邪見羅網以自纏裹如蜃蜃蜃彼非
有故無分別慧趣入行成